

Inatsisissatut siunnersuummut nalinginnaasumik nassuiaatit

Ukiumut aningaasanut inatsiseqarfiusumut inatsisartut 2015-imut aningaasanut inatsisissaattut siunnersuut ulloq 15. november Missingersuusiornermut inatsimmi ukiumut aningaasanut inatsiseqarfiusumut tullermut akuersissuteqarnissamut piffissaliunneqartoq nallertinnagu naammassillugu suliarineqarnissaa ilimagineqanngilaq. Taamaaqataanik Aningaasarsianit akileraarutit pillugit inatsimmi nuna tamakkerlugu akileraarutininut aammalu nuna tamakkerlugu immikkut akileraarutininut akileraartarnermut procentip aalajangerneqarfissaatut piffissaliunneqartoq 15. november atuuppoq. Tamatuma kingunerisaanik aammalu 2015-imut aningaasaliissutininut inatsisip Inatsisartut 2015-imut aningaasanut inatsimmik akuersissuteqareersimanissaat tunngavigalugu atugassanngortitsisoqarnissaanik pisariaqartitsinerup kingunerisaanik, Inatsisartut Naalakkersuisullu pillugit Inatsisartut inatsisaanni § 30, imm. 3 naapertorlugu ukiumut aningaasanut inatsiseqarfiusumut tulluuttumut inatsisartut aningaasaliissuteqarnissamut inatsisissarigallagaata atuutsinneqarnissaa Naalakkersuisut kinguartissinnaanngilaat.

Inatsisartut 2015-imut aningaasaliissuteqarnissamut inatsisissarigallagaanni siunertarineqarpoq pingaartumik suliassaqarfinni 2015-imut Inatsisartut aningaasanut inatsisissaata akuersissutigineqareersimanissaa pitinnagu 2015-imut aningaasaliissutininut inatsimmit Naalakkersuisut atugassanngortitsinissaminnut piginnaatinneqarnissaat. Tamanna pingaartumik akileraarutininut suliassaqarfimmuut atuuppoq, tamatumani siumoortumik akissarsisartut eqqarsaatigalugit ukiumut aningaasanut inatsiseqarfiusumi akileraarutininut procentiliussat Inatsisartunit akuersissutigineqartut tunngavigalugit siumoortumik atugassanngortitsisoqarnissaanut pisariaqartitsisoqarluni.

Tamatuma saniatigut siunnersuutikkut siunertarineqarpoq Namminersornerullutik Oqartussat akornusersorneqaratik sulinerminnik ingerlatitseqqinnissaattut suut taaneqarsinnaanersut tunngavis-siornissaat. Naatsorsuutigineqarpoq aningaasatigut isertitassat pissarsiarineqarsinnaassasut aningaasartuutillu akilerneqarlutik 2014-imut aningaasaliissutit amerlassusiat aallaavigalugu.

Naatsorsuutigineqarpoq Aningaasaqarnermut Nunanullu allanut Naalakkersuisoq 2015-imut Inatsisartut aningaasaliissuteqarnissamut inatsisigigallagaata ataani atugassanngortitsinerit pillugit kaajallaasitaliussasoq.

Inatsimmi aalajangersakkat atorunnaassapput ukiumut aningaasanut inatsiseqarfiusumut 2015-imut Inatsisartut aningaasanut inatsit akuersissutigippassuk.

Aalajangersakkanut ataasiakkaanut nassuiaatit

§ 1-imut

Aalajangersakkami Naalakkersuisut piginnaatinneqarput Namminersornerullutik Oqartussat akornusersorneqaratik sulinerannik ingerlatitseqqinnissamut. Naatsorsuutigineqarpoq aningaasatigut isertitassat pissarsiarineqarsinnaassasut aningaasartuutillu akilerneqarlutik 2014-imut aningaasaliissutit amerlassusiat aallaavigalugu.

Aalajangersakkami siumut eqqarsaatigineqarpoq Inatsisartut 2015-imut Inatsisartut aningaasanut inatsisaannik akuersissuteqarsimangimmata, tamatumani akileraarutinut akitsuutinullu procentiliussassat Inatsisartunit akuersissutigineqartut imaluunniit Inatsisartut 31. december 2014 nallertinnagu 2015-imut aningaasanut inatsisip akuersissuteqarnissaat tunngavigalugit.

§ 2-mut

Aalajangersakkami Naalakkersuisut piginnaatinneqarput akileraarutit akitsuutillu procentiliussassat taaneqartut malillugit akilersinniarnissaannut. Procentiliussassat procentiliussanut Inatsisartut 2014-mut Inatsisartut aningaasanut inatsisaanni akuersissutigisimasaannut naleqqiullugit allannguuteqanngillat.

§ 3-mut

Suleqatigiinneq pillugu ataatsimoorussamik nalunaaruteqarnissaq, piffissamut 2014-2020-mut ilinniartitaanermut tunngasuni suleqatigiinnissamik isumaqatigiissut, kiisalu aningaasaliissutitigut killiliussat erseqqinnerusumik aalajangersakkat iluini 2016-2020-mut aalisarneq illugu isumaqatigiissutit pillugit Den Europæiske Unionimik (EU) isumaqatigiinnialereernerit nangingneqarnissaannut Naalakkersuisut aalajangersakkakut piginnaatinneqarput. Namminersorlutik Oqartussat aamma Den Europæiske Unionip (EU) akornanni isumaqatigiissutit taaneqartut Naalakkersuisunit piaartumik isumaqatigiissutigineqarnissaat inuiaqatigiinnut pitsaanerpaasussat naliliiffigineqarput, taakku Nunatta Karsianut isertitaqarnerussutaassammata. Oqaatigineqassaaq isumaqatigiissutaasussat **Inatsisartut inatsisaanni** matumani killiliussanit atuutsinneqartunit apasinnerusinnaammata.

Isumaqatigiissutit taakku marluk Namminersorlutik Oqartussat EU-llu akornanni siusinnerusukut isumaqatigiissutaareersimapput, maanna isumaqatigiissutit piumasaqaatinik allannguilluni, taamaattorli aningaasaliissutitigut killiliussat aalajangersimasut tunngavigalugit ingerlateqqinneqarnissaat Namminersorlutik oqartussat EU-lu akornanni isumaqatigiinniartoqarluni.

Isumaqatigiinniarnert inernerit, imaluunniit suli isumaqatigiinniartoqarsimappat isumaqatigiinniarnert taakku killiffii pillugit Inatsisartut piaartumik ilisimatinneqarnissaat pingaaruteqassaaq.

§ 4-mut

Pilersaarutit aallartinneqareersut nangingneqarnissaat, pilersaarusiornissamik suliassatut pilersaarutit aallartinneqarsinnaanerat, kiisalu Namminersorlutik Oqartussat illuutaannut attartortittakkanut aningaasaleeqqinnissamik taakkuninngalu isaterinissatut pilersaarutaasut aallartinneqarsinnaanissaat aalajangersakkakut qulakkeerqarpoq. Aalajangersagaq naapertorlugu aningaasaliisinnaatitaaneq Inatsisartut Aningaasaqarnermut Ataatsimiititaliaannut tunniunneqarpoq, Inatsi-

sartut 2015-imut aningaasanut inatsisaata akuerineqarnissaata tungaanut. Aalajangersakkami pingaartumik siunertarineqarpoq 2015-imut inatsisartut aningaasanut inatsisaata aatsaat 31. december 2014-ip kingorna akuerineqarnissaata malitsigisaanik Namminersornerullutik Oqartussat sanaartornermi aningaasaliissutitigut unittoornissaasa kinguaattoornissaasalu pinngitsoortinneqarnissaat.

Sanaartugassanut aallartinneqareersimasunut aningaasartuutitut aningaasaliineq naalakkersuisuniit qinnuteqartoqarneratigut konto pingaarneq 80.00.01-imit, Nuussinissanut sillimmat, Inatsisartut Aningaasaqarnermut Ataatsimiititaliaannit tunniunneqassaaq.

Konto pingaarneq 80.00.80-ikkut, Aningaasat suliniutinik aallartitsinissamut sillimmatit, 2014-imut inatsisartut aningaasanut inatsisaanni kiisalu ilassutitut aningaasaliissutitigut inatsisissamut siunnersuutip matuma akuerineqarnissaa sioqqullugu akuerineqarput pilersaarusiornissamut aningaasaliissutissat aamma pilersaarutissatut siunnersuutit missingersuutit B-tallit. Pingaaruteqarpoq pilersaarutit nutaat piffissaq eqqorlugu suliarinnittussarsiuunneqarnissaat, tassa marsip aamma apriilip qaammataanni. Taamaattumik 2015-ip aallartinneraniit pilersaarusiornierup ingerlateqqinneqarnissaa pisariaqarpoq. Pilersaarutit aallartinneqareersimasut ingerlateqqinneqarnissaanut aningaasaliissutit Naalakkersuisuniit qinnuteqaateqarnikkut pilersaarusiorniermut kontuni pineqartunit Inatsisartut Aningaasaqarnermut Akileraartarnermullu Ataatsimiititaliaannit tunniunneqassapput. Kiisalu 2014-imi ilassutitut aningaasaliissutaasimasut aamma 2015-imut ingerlaannarnissaat aalajangersakkakkut qulakkeerneqarpoq.

§ 5-imut

Aalajangersakkami inissianik attartortakkanik tunisinissamik aamma tunisinermut atatillugu aningaasartuuteqarnissamut aamma boligstøtte atorlugu illuliat sinneruttut tuninissaannut Naalakkersuisut piginnaatinneqarput. Taakku saniatigut nammineerluni illuliornissamut neriorsuinissamut, boligstøtte atorlugu illuliat iluarsaannerinut tapiissuteqarnissamik, boligstøtte atorlugu illuliat iluarsaannissaannut immikkullu ittumik aserfallatsaalinnissaannut taarsigassarsititsinissamut naalakkersuisunut aalajangersakkakkut piginnaatinneqarput. Aalajangersakkami pingaartumik siunertarineqarpoq 2015-imut Inatsisartut aningaasanut inatsisaata aatsaat 31. december 2014-ip kingorna akuerineqarnissaata malitsigisaanik Namminersornerullutik Oqartussat sanaartornermi aningaasaliissutitigut kinguaattoornissat pinngitsoorneqarnissaat.

§ 6-imut

Kalaallit Nunaanni ilaasunik allakkanik usinillu angallassineq pillugu isumaginnittuusunik isumaqatigiissuteqarnissamik sulinerup nanginneqarnissaanut Naalakkersuisut aalajangersakkakkut piginnaatinneqarput. Isumaqatigiissuteqarnissami Inatsisartut Aningaasaqarnermut Akileraartarnermullu Ataatsimiititaliaa akuersissuteqartariaqarpoq. Aammattaaq missingersuutitut sunniute-

qanngitsumik Great Greenland A/S-imut aningaasaliissutitut aningaasartuuteqarnissamut Naalakkersuisut aalajangersakkakut piginnaatinneqarput.

§ 7-imut

Aatsitassat pillugit inatsit naapertorlugu akuersissuteqarnerit, kiisalu aatsitassat pillugit inatsit naapertorlugu akuersissutaareersunik suliaqarnerit Namminersorlutik Oqartussat akornusersor-neqaratik sulinerattut isigineqarnissaat aalajangersakkakut erseqqissaatigineqarpoq. Aatsitassat pillugit inatsit naapertorlugu akuersissuteqartoqarsinnaavoq taamaallaat periusissatut akuersissutaareersut tunngavigalugit. IBA-mik isumaqatigiissuteqarnissaq pillugu ilaatigut London Mining isumaqatiginiarneqarpoq tamatuminnгалu kinguartitsineq piiannerup aallartinnissaata aningaasagarnermut kingunerluutaasorujussuarmik kinguartinneqarnissaa kingunerisinnaavaa.

Inuiaqatigiit aningaasaqarnerannut pitsaasussap isumagineqarnissaa aalajangersakkami immikkut pingaartinneqartussangortinneqarpoq, suliani kinguartinneqarsinnaanngitsuni Naalakkersuisunut piginnaatitsinerup kingunerisassaanik aalajangersaanermi naliliinissami pingaartinneqartus-saq. Taamaattorli suliat aallareriikkat pineqakkajuttarput, tassami Naalakkersuisut naalakkersui-nikkut pingaarutilinnik aalajangiinerit pillugit sulianut nutaanut tunuarsimaarluartariaqarmata.

Tamatuma kinguneraa Naalakkersuisut iliuutsit taaneqartut pinissaannut pisariaqartunik aningaa-sartuuteqarsinnaanerit, kiisalu aatsitassanut tunngasut isumagineqarnissaannut naalakkersuinik-kut isumaqataalluarfiusunut aningaasartuutinik allanik akuersissuteqarsinnaanerit.

§ 8-mut

Inatsisartut inatsisaat 1. januar 2015-imi atuutilissaaq, tamanna sioqqullugu Inatsisartut 2015-imut aningaasanut inatsisissaannik inatsisartut akuersereersimangippata.